



明詩正聲卷四十八 五言絕句二

廣陵

盧純學

江一夔



常山卧雪亭

方豪

卧雪常山館孤吟氣轉雄
若逢洛陽令閉户不相通

采蓮曲

常倫

沿月並舟還荷花照湖水
咲擘菡萏開小小新蓮子

青橋夜泊

楊慎

驛亭臨白水石榻滿蒼苔
遠客渾無夢江聲枕上來

圓照寺

橫枕山窓裏月明林影動
禪心炯不眠寧有巴山夢

宿華亭寺

花樹高於屋紅霞夜照人
聲聲枝上鳥也似惜餘春

月橋

薛蕙

泊舟板橋口月出溪水綠
何處采菱歸遙聞榜歌曲

東臯

東臯落日明西堠新
颼冷徘徊盤石上愛此青松影

昭君曲

莫止

但使胡塵靜蛾眉敢愛身
千年青塚在猶是漢宮春

溪上

蔣山卿

山風木葉飛
夜雨松花落
散帙坐高齋
幽心成寂寞

平臺

霜清柿葉紅
月冷桂花白
散步上高臺
無端感離索

古意

李濂

莫羨承恩早
何妨近幸遲
君心本無定
只在轉移時

秋感

王謳

宦跡倦風塵
愁心驚歲月
長安滯不歸
秋老南山蕨

南湖送桑宗之

昨日聞君來
今朝送君去
芳草滿前川
君歸定何處

城南遊覽懷古

楊柳今無渚
芙蓉舊有園
請看蒿里地
即是樂遊原

寄征夫詞

敖英

絕塞無烟火郎行日荷戈子卿餐雪處借問雪如何

其二

蓮子生來苦芙蓉豈識春自傷妾命薄何敢怨家貧

連雲棧

朝朝木末行路險心惆悵絕壁何蒼蒼猿聲在天上

賣兒詞

堂上姑無食傷心賣汝身牽衣出門去天地可憐人

其二

養汝如雛鳳年荒值幾錢辛勤當自愛莫比在娘邊

其三

昨夜啼梨栗今朝服事人母恩元不薄無奈汝爺貧

其四

哭盡眼中血，洒女身上衣。業緣如不斷，猶望夢來歸。

寄中南上舍

錢百川

淮清樓頭花白下，橋邊酒醉殺少年。郎借問君知否？

江南曲

小姑未成人，不慣見郎君。蕩舟入新荷，牽壞紫羅裙。

其二

湖南采蓮花，湖北采蓮葉。回頭見郎來，低頭理雙楫。

江南曲

黃省曾

百鏹買冰紈，千緡易綃素。綉成雙鴛鴦，無由寄遠路。

閨中

孫宜

地遠書難得，愁多夢不成。高樓吹笛夜，腸斷玉關聲。

登真定大悲閣

青山地北橫白日天南落欲緩故國思聊憑最
高閣

交城縣壁

汲黯匡君意顏延出守情憑高無處語寒日下
孤城

靈石山行

長路天俱遠高山日易昏強餘疲馬意垂首念
君恩

題夏汭亭

拱樋

萬象自縱橫茲亭抱幽獨時有佳士來不為看
脩竹

秋夜

張時徹

玉井生夜涼金闈悲未央風吹兩行淚不
沙場

商婦詞

河畔古楊柳條條長綠枝不堪作衣帶聊可繫
相思

閭闔曲

穀熟不到釜絲成不上身莫道江南樂江南愁
殺人

其二

敗屋籠蛛網荒庭繡蘚苔可憐梁上燕飛去復
飛來

茂嶼莊

山深雲扞關水靜月流石空林不見人長嘯海
天碧

武陵莊

本意逃塵市非關欲避秦相逢莫相訝同作采
芝人

襄陽謠

玉面誰家郎紫衣金勒馬朝發宛城南暮宿桃
林下

北還途中紀興

白馬誰家郎雕鞍錦繡裳下馬捉蝴蝶上馬折
青楊

其二

馬上逢寒食，春風驛路花。
白雲千萬里，何處是儂家。

玉階怨

樊鵬

寒月下秋空，玉階皎如素。
捲簾出洞房，佇看流螢度。

淇縣道中即事

郭鳳儀

平野何蒼蒼，孤城澹將夕。
微陽明遠山，寒溜響危石。

無寐

孤燈照無寐，沉冥起深想。
空庭山雨鳴，古壁秋蟲響。

松軒

陳堯

長鑱白木柄，挂向東軒壁。
松間斲茯苓，雲根深幾尺。

玉勾洞

玉洞何逶迤，守門雙白鶴。
緋盡藥珠經，瑤花開復落。

古意

開鏡理晨粧紅顏為誰惜清淚落羅巾盡作桃花色

其二

倦倚紅藤簟孤眠亦自傷縱然針線好慎莫繡鴛鴦

病中

盧楓

可憐春二月日日雨滂沱却逢三月好又在病中過

其二

春色麗南園春花嬌萬樹獨坐抱孤愁悵望春

風路

偶成

官閒世味輕性僻交游少婆娑兩鬢垂日暮成醜老

其二

夢遶狼山月情牽碧海春試從今日數七載未歸人

府江吟

張謙

毒癘滿山頭亭午尚未開
可憐戎行子十往九不回

玉階怨

崔櫂

金飈透青鎖白露垂碧梧
徐步玉階下仰見明月孤

擬古

全元立

相思欲斷腸香魂渺相隔
落月如有情清光下瑶席

其二

郎唱采蓮歌妾鼓木蘭楫
同行不同歸西風亂霜葉

班婕妤

駱文盛

秋風時颯颯秋草復離離
自是容華歇非關君寵移

村居雜言

飛花郊外路啼鳥水邊村
莫厭過從少青山日在門

山行

杖藜渡清溪溪深路復迷忽聞山犬吠行過竹林西

西湖次韻

尹臺

四月過新雨西湖羅綺春荷花嬌綠水妬殺采蓮人

嘉陵渡

喬世寧

春水泛嘉陵維舟天欲曙雲移浦口山月墮漁梁樹

寺中看花

幾日病不出飛花滿地紅非關風雨妬色相本來空

遊南山

唐順之

洞口石縱橫流泉不住聲柴門何處入鷄犬自相迎

竹徑

面面隔深竹茅齋在何處遙聞犬吠聲試從此路去

自君之出矣

朱曰藩

自君之出矣生死那可知不能保君身但保襁
中兒

網集潭

施漸

朝向湖上去暮從湖上歸漁家自成市晒網及
斜暉

靈巖寺

萬表

歌舞易消歇千秋一寺存日斜寒塔影僧閑薜
蘿門

江南曲

客從潮陽來夜泊秦淮口鄉語人不知兒童聞
拍手

其二

江頭望遠人望望杳無際佇立忽忘歸心隨流
水逝

寄薛霞川

汪坦

細雨暗山城梅花傷茅舍獨犬聲寥寥殘燈照
深夜

祈澤井

天光墮深碧石龍中夜語坐撫青莓苔颯颯聞
風雨

琵琶岩

林燠

琵琶本非器谷響應彈指種種諸妙音似奏空
虛裏

題胡人射獵圖

鳴鏑獸群驚秋原意氣橫莫矜射鵰手飛將在
邊城

其二

獵騎並翩翩歸鞍笑割鮮向來驅逐地遺恨失
初連

贈黎參將立功還閩

相逢飲燕市相送臨易水日暮征馬嘶蕭蕭朔
風起

其二

疾風飛海帆萬里不肯住斬鯨凌洪濤直繫扶
桑樹

雨過看山

名窮之景 呂時

開牕望遠山雨過山如洗更看山外山夕陽浸

彭蠡

從軍行

從軍未十年此身兩易主却恐不多時化作邊

城土

怨潮

門前大江水春潮早晚來只解送郎去不解送

郎回

山中

李攀龍

君去何時歸山中春草夕莫將白雲廬不及紅

塵陌

寄祭宗秀才茂登池亭

窓中采蓮舟落日菱歌起坐見浣沙人江頭照

秋水

山房書壁

夏日山房清田作稍就次銜杯自有真高枕元

吾事

杖

十載相携處白雲知幾重莫經葛陂道風雨去
為龍

戲為眼罩

王世貞

短短一尺絹占斷長安色如何眼底人對面不
相識

画

愛此山中居清陰滿蘿薜飽飯無所為石上坐
秋色

雨中

時方有哭
子之感

夜雨生白髮愴然青燈語日出愁更深應知不
關雨

定公堂

定公創招提鑿破青山色惜哉不住心翻留有
為跡

慕俠

少小慕俠客俠客良亦難寧將百歲擲不使片
言寒

李于鱗郡齋

腰間轆轤劍錯莫無精光不是芙蓉淺純鉤北
斗傍

活水池

徐中行

池分襄漢水岸夾武陵花但得高陽侶寧須問
習家

詠顧汝和舍人種桃

不言溫室樹却種武陵花豈是金門客偷桃出
漢家

題顧汝和石鼎寮

雲英烹石鼎月色照冰壺何必金莖露能令肺
病蘇

印竹杖

仙人方竹杖遠道出臨印挂壁風雲動還應欲
化龍

閨怨

吳國倫

一片秋空月閨中夜擣衣如何南鴈去不見北
書歸

惆悵

人言種玉難不如種花好誰道同心花變作斷腸草

東林寺前作

梁有譽

山色斜陽寺江流曲抱村時有山僧出殘陽獨掩門

其二

寒日照流水晚風吹古樹遙聽暮鐘聲依依度江去

秋日雨中過黎氏山房

偃蹇復何為把經倚庭樹忽驚山鳥喧登樓看秋雨

其二

如何落塵網歲歲感秋風偶共息心侶徘徊一壑中

其三

風枝翻夜鵲露井響秋蟲安知灌園者不與漢陰同

其四

瑤琴不復理空餘山水情棄置石牀上風來時
一鳴

題畫

宗臣

暮嶂遠含青春江空帶碧細掃風前花拋書枕
蘿石

聞鴈憶子培弟

秋雨千峰散寒雲萬里開不知天際鴈幾日故
園來

夜立

秋風天外聲明月江中影幽人把桂枝露下衣
裳冷

贈李于鱗

聞君有瑤琴言自崑崙得雖未聽其聲時時白
雲色

郊行

並馬出春城搖鞭一相語楊柳遍西湖應從何
處去

空明閣對雨

沈明臣

對雨空明閣夕陽開遠岑
返照石壁上寒潭
楓樹陰

太白山

太白半為雲行歌復采薪
但聞樵唱響不見采樵人

舟雨

溪行日日晴孤雲忽然起
獨坐水聲中不知蓬上雨

題張長輿畫

近水晚逾碧遠山秋未黃
夕陽寒滿地松影落衣裳

柳竹巷

蕭蕭叢竹間夾巷餘衰柳
日色不到墻青苔積來厚

長峪嶺即事

陳夢鶴

夜宿長峪城曉登長峪上
舉首望長峪一望一惆悵

其二

一從長峪來不忍言邊事豈不慎秋防驃騎竟
誰是

秋夜

侯昶

風葉走空亭擬是庭前雨懷人正未眠更聽寒
蛩語

采蓮曲

周詩

朝向橫塘來暮從湖口返競貪蓮子多不知家
近遠

其二

不是歸能夜今朝采擷多為看新月暈明日倘
風波

江南曲

李時行

蕩槩越江邊烟深江水綠不見采蓮人空聞采
蓮曲

春曉

枕上雨初歇庭前花亂開春風在高樹啼鳥去
還來

旅思

寒月下疎桐清霜醉晚楓客心元自冷不是為
秋風

少年行

鬪鷄金作距戲馬玉為鞭薄暮誰家宿青樓大
道邊

遷居簡友人

蔡汝楠

岡南開館舍湖上閱風花不用山陰棹東鄰是
戴家

下第還鄉

許邦才

鶯花愁旅客風雨逼清明白曉擔空笈蕭然出
鳳城

初至永寧

風塵難自料花鳥故相猜問是山東客何由萬
里來

客中元日

客中逢改歲不解是何鄉時見懸門帖春風動
夜郎

漢江驛

山雪照庭除
冰霜滯簡書
不因作遷客
得食漢江魚

少年行

楊柳散青絲
驂騑白玉羈
有錢不作人
是底遊俠兒

明詩正聲卷四十八

